

ԲՈՂՈՔԱԿԱՆ ԵԿԵՂԵՑԻ

Յունիսի 13—14-ին Հանովերում տեղի ունեցած Աւետարանական—ընկերվարական համաժողովն՝ պարզ արտայայտած քաղաքական տենդենցիայով իւր վրայ դարձրեց պահպանողականների ուշադրութիւնը: Մշակելով ընկերվարական խնդիրներ աւետարանական գաղափարների տեսակէտից, ինչպէս որ հասկանում են դերմանական բողոքականների յառաջագէտ մասերը և իրեն դիտարկող նպատակն ընտրելով ընկերվարական տրամադրութեան զարգացումը, համաժողովն, ի դէմս իւր մի քանի անդամների, շատ որոշ կերպով կողմնակից հանդիսացաւ ժամանակակից ընկերվարականութեան աշխատանքի իրական եղանակի: Այդ համաժողովն իւր վրայ դարձրեց պահպանողականների ուշադրութիւնը մանաւանդ այն պատճառով, որ մարգիլ աւետարանական դաւանութեան դրօշակի տակ գործող անձինքներից և հիմնարկութիւններից ընկերվարական ասպարիզում հանդէս գալն ու պաշտպան հանդիսանալը չէին լսել: Տէրերի ու բանւորների փոխադարձ յարաբերութեան մասին փոխանակ ընդհանուր դատողութիւնների, փոխանակ մի կողմ սիրոյ և հոգատարութեան ոգու, իսկ միւս կողմն էլ իրենց վիճակով դո՛ւ մնալու և խոնարհ լինելու պահանջի, որ այնքան ընդհանուր է ուղղափառ պատօրների քարոզներում, համաժողովը պարզի պարզոյ անցաւ իրական ընկերվարական քաղաքականութեան կողմը: Քարտուղար Շնէմէլինգերի կարդացած հաշիւը խրախուսում է աւետարանական բանուորների խմբակցութիւնները, որոնք դադարել են նախաձեռնողների հետ «բարի տրամադրութեամբ համաձայնութեան գալուն հաւատալուց» և հասել են դասակարգային կազմակերպութեան գիտակցութեան: Ուսուցչապետ Զիվլիկինգը տպացուցանում էր պրոցէսիօնալ բանուորների միութեանց նշանաւոր լինելը և բնական էր գտնում նրանց ձգտումը դէպի ռամկալար—ընկերվարական կազմակերպութիւն: Բանուորը չի կարող քաղաքականութիւնից հրաժարուիլ, ասում էր նա. դասակարգային կազմակերպութեամբ նա մասամբ միայն հասնում է իւր նպատակին և այդ պատճառով արհեստակցական օժանդակութիւնը պէտք է լրացուի պետական օժանդակութեամբ: Մի այլ ճառալօս բացատրում էր արհեստակցական (համքեարական) կազմակերպութեան բարձր բարոյական նշանակութիւնը նրա համբերաշխութեան և փոխադարձ պահպանութեան սկզբունքներով: Աւետարանական տեսակէտից

արդարացի դանելով բանւորական դասակարգերի կողմից իրենց շահերի պաշտպանութիւնը, համաժողովի անդամները միւս կողմից յանուն ընկերվարական սկզբունքների իրենց պահանջներն էին յայտնում և դէպի եկեղեցին։ Ուսուցչապետ Բաումգարտէնը մատնանիշ եղաւ եկեղեցական հիմնարկութեանց մի ամբողջ շարքի վրայ, որոնք գործում են հակաընկերվարական կերպով, այսինքն վիրաւորում են աւետարանական ժողովրդի փոխադարձ կապակցութեան զգացմունքը։

Այս շարքումն էր դասում նա այն բոլոր հիմնարկութիւնները, որոնք արգելում են չքաւոր մարդկանց լիակատար մասնակցութիւնը եկեղեցական գործերում և խորութիւն են դնում հարուստների և չքաւորների մէջ, եկեղեցիներում աթոռներ վարձու ապւր, չքաւորների խմբական միւրտութիւններն ու պսակադրութիւնները, որովհետեւ նրանք միջոցներ չունին կանոնաւոր վարձաարելու և այդ խորհուրդները տան մէջ կատարել տալու, մի քանի օրէնքների վարձատրութիւնը, բանւորներին անյարմար ժամանակ ժամակարգութիւն կատարելը, ծխերի ոչ թէ տեղագրական (թաղերով) բաժանումն, այլ բոս ոսցիալական դրութեան, օժանդակութիւն ուտայող անձերին եկեղեցական գործերում ձայնի իրաւունքից զրկելը և այլն և այլն։

Պրոֆեսիօնալ բանւորներին Կեօլնի համաժողովում, որը կայացաւ անցեալ մայիսին, պարզուեց, որ այդ կազմակերպութիւնները զարգանում են մեծ յաջողութեամբ, որոնք կարողացել են միացնել $14\frac{1}{2}$ միլիօն բանւորներին, այսինքն ամբողջ բանւորական դասակարգի մի քառորդ մասը, որը մեծ գումարներ ունի իւր տրամադրութեան տակ. պարզուեց նոյնպէս և նրանց սերտ կապը քաղաքական կազմակերպութեան հետ։ Բայց այդ լաւատեսութիւնը համաժողովի կողմից դէպի ընկերվարական—սոցալականները բաւական եղաւ Norddeutsche Allg. Zeitung-ին, յարձակուելու համաժողովի վրայ, մեղադրելով, որ նա չը մնաց կրօնական—բարոյական շրջանակում և խառնուեց քաղաքականութեան՝ կուսակցական գիրը բռնելով։

